



30.april 2019

UPA2019/174

Kitaani sinnerissatsinni qassutikut qallorneqarnissaannut suliniutissatut pilersaarummik UKA2019-mut Naalakkersuisut peqquneqarnissaannik Inatsisartut aalajangiiffigisassaattut siunnersuut.
(Inatsisartunut ilaasortaq Aleqa Hammond, Nunatta Qitornai)

Imartarput inuuniarfigaarput inuussutissarsiuteqarnitsinnilu qitiuvoq. Inuussutissaqarfipput mianeralugu paarilluagassaraarput ukiorpassuarni siunissamilu taamaattussaavugut.

Aningaasarsiorfik paarilluaannarnagu avatangiisitta paarilluarnissaa pingaaruteqarpoq. Ukiuni kingullerni pingaartumik sinnerassutsinni plastikkikorpassuit eqqakkallu annertulluinnartut sissarissuni sumi tamaani takussaanerat unitsilluinnartariaqarparput. Unitsissavarput avatangiiserput, uumasut, aalisakkallu illersorumallugit aammalu takorannersumik takorniartunut uatsinnullu isigisaqarnissaq pingaartitarigatsigu.

Siunnersuuteqartup qassutaarsiutit immikkut sammivai taakkualu politikkeqarfigineqartariaqarnerinut tunngavilersuuteqarnera paasilluarnarpoq isumaqatiginaqalunilu.

Aalisarnermi atortukut annaasimasat ikigisassaangunangeqaat aammalu ajornartorsiutaaneri ilisimavagut. Ukiuni arlaqalersuni eqqartorneqartaannaratik oqallisigineqartaqaat ajornartorsiutaanerinik aalisartunit allanillu. Siunnersuuteqartup qaqilerineratigut Naalakkersuisuit akissuteqaataatigut takuneqarsinnaavoq naaperiuteqarneq angisoq aammalu ajornartorsiutip qaangerniarnerani eqqarsaatersuuteqartoqarsimasoq ajunngivissunik.

Siunnersuut taperserparput ataatsimiititaliamillu suliarineqarnissaa inassutigalutigu.